

那文毅公奏議

那文毅公總統陝西軍務奏議卷二目錄

上海市歷史文獻圖書館藏

卷二

壽物竄

訓分路勦賊

深入老林

夾嶺之捷

高橋之捷

附逼勒老林竄匪
恭謝天

疏請吉林官兵留陝

恭謝

天恩

那文毅公總統陝西軍務奏議卷二

男容安恭輯

籌剿竄匪 附分路剿賊

嘉慶四年十月初九日

奏爲逆首張漢潮已斃籌剿竄匪事竊臣於前月二十九日自西安起程因無可帶之兵

奏明探赴明亮軍營相機進剿及至大路口探得明亮由子午峪徑赴江口一帶山中道路東西相隔甚遠隨由秦嶺前至孝義廳地方一面分遣妥役偵探賊蹤並屢次劄催各路趕緊截剿一面檄催

萬壽山系第一區全志卷之四
盛京官兵速來孝義並挑選附近防守兵丁以便帶領
前進初五日據富成稟報在七里蛭山梁追剿張
漢潮分股之高遇春等斃賊一百餘名生擒賊匪
二十餘名又在毛兒嶺剿斃張漢潮正股賊匪八
十餘名生擒十餘名兩股竄至竹溝合夥奔竄富
成卽隨至下陽溝所辦尙爲出力初六七等日頭
二起

盛京官兵陸續趕到初八日據探役李忠等回稟張漢
潮一股賊匪於初三日竄至石灰溝明亮綸布春
等與賊打仗殺賊二十餘名拏獲賊目李潮一名

又據探役郭金李義回稟初三日在石灰溝打仗
後官兵在張家坪紮營賊匪在遇仙溝屯聚相距
五十里初四日在獅子坪遇賊打仗殺賊多名賊
匪奔上山坡逃竄是日明亮等隊內鄉勇搜出見
有一賊在坡上自縊身死割取首級呈驗令活賊
李潮指認知係張漢潮首級餘匪仍向安康之黑
水河及安康連界之紫溪河分竄臣查張漢潮以
冉學勝爲主謀自上年入陝以來往來奔竄已歷
多時今被各路兵勇進剿緊急窮蹙自縊首逆既
斃賊勢自衰但此等邪匪若不盡數殲洗江北竄

匪終不能肅清卽如齊王氏斃後至今尚有齊家
營賊匪王三槐就獲餘黨猶未解散必應將張漢
潮餘黨全行勦盡不敢因首逆已斃稍存弛懈謹
奏

嘉慶四年十月十四日軍機大臣字寄奉

上諭那彥成奏張漢潮業經身斃並生擒首逆李潮昨已
據明亮奏到惟查明亮摺內所敘情節張漢潮係九月
二十九日辰刻被圍中矛致斃而本日那彥成奏張漢
潮係於十月初四日自縊中間相隔六日若張漢潮果
係初四日身斃則帶兵將弁必須稟知明亮而明亮又

硃

須查驗屬實安能卽於是口繕摺入奏想係那彥成探

聽未確

或謂亮奏報下賈

張漢潮已經身死固不必深考但其是否中矛

抑係自縊之處亦須查明確實此時李潮已解往那彥
成軍營或訊之該犯或調問押解該犯員弁卽可得實
也至明亮白勦賊以來所奏多係捏飾是其故智昨已
降旨令那彥成將殲擒張漢潮李潮是否係明亮興肇
親身督戰抑係據他人稟報攘爲己功及斬獲多寡之
處查明具奏並著遵照昨旨辦理至冉學勝一犯係爲
張漢潮主謀現未擒獲又有兩股餘黨尙在陝境公竄
必須趕緊勦辦以淨根株那彥成現往鎮安安康一帶

搜捕所見甚是若此時以張逆旣誅稍存大意不將餘孽勦盡必致如從前陝省殲斃齊王氏川省擒獲王三槐至今尙有齊家營及王三槐餘匪蔓延肆竄不過斃一老病無能之張漢潮而於軍務大局有何裨益仍復糜餉勞師致稽藏事那彥成旣見及此自應趕緊勦辦目下盛京兵陸續到齊再加以明亮原帶之兵軍威已極壯盛況吉林官兵昨又降旨令那彥成速催到營務當迅速勦捕將冉學勝及張逆分出小股悉數殲除再往平利洵陽一帶督同王文雄柯藩慶溥興肇德楞泰分投截擊將辛聰張添倫等股以次殲擒用副委任至

陝餉入棧無兵防護已咨商松筠或令吉蘭泰等前移棧內所慮亦是倘甘省尙有防堵要務吉蘭泰等亦不可離甘境太遠致照料不及也

嘉慶四年十月二十六日會同陝西巡撫台公布

奏爲分路勦賊情形事竊張漢潮餘匪分爲三股在韭

菜坪合夥竄向西南近日又分三股折向東北均

在五郎境內

臣

那彥成隨取道鎮安之西過典司

溝山梁行抵蒿坪河

臣

台布亦趕到軍營會同帶

兵至五郎境內之老關口併將明亮之兵分派富

成穆騰額由桃園子五郎河分路迎勦偕森保長

春赴柴家關茨溝各隘口堵截

臣

等一路均在賊

之東北東南一帶恒瑞於迎風壩勦斃賊匪十餘

名生擒三名沿途追勦前來卽令恒瑞由二郎壩

觀祥由華陽兼顧西南一帶其北面峪口亦派兵

勇駐守復飭綸布春由四畝地至沙窩子趕緊逼

勦賊匪知各路大兵逼近前兩股賊匪又向北竄

至盤屋洋縣交界之秦嶺後股賊匪亦卽折回綸

布春兵至教場壩猝遇後股賊匪自柴家關西溝

殊

內撲出綸布春親率官兵奮力攻擊賊始敗退侍

衛桑吉斯塔爾叅將富永遊擊王靈由左首山梁

殊

壓下侍衛吹札布定色爾遊擊王應鳳守備張振

鳴山右首山梁壓下追殺三十餘里殲賊一百餘

如

名生擒四十名奪獲烏鎗二十四桿刀十把矛槍

一百二十餘根賊向高山深箐無路處越過大山

殊

至焦溪河向西南奔竄

可恨

此次打仗綸布春極爲奮

勇所帶貴州官兵亦俱極爲出力所殺賊匪係照

臣等傳知呈驗首級耳記並不似從前虛報功級

當已分別酌賞用示獎勵現在察探賊蹤似欲由

號川竄入棧道前調之索費英阿吉蘭泰未知曾

否入棧堵禦查恒瑞綸布春兩路距賊較近隨令

分投追躡

臣

等卽兼程趕赴留壩相機策應合力

兜剿伏查陝省軍務向來帶兵大員各爲一路不

相統攝賊竄之處及官兵追剿地方彼此亦不關

會若此路官兵躡蹤追賊他路官兵並不互爲援

三年以來皆係如此

應以致賊匪乘隙竄避我兵日事奔馳數月不能

遇賊今

臣

等酌量分派惟有相度事機或合或分

隨時指派並令互相知照聲息相通庶賊至之地

是

總有官兵追及剿殺雖不能預定撲滅日期而漸

次殲除亦斷不致久稽時日至終南山內層巖疊

嶂綿亘一千數百里竟少平地兩山之間必有一

溪兩溪之源必有一嶺登山涉水小逕延緣皆在
溪邊嶺上十餘里內山口數處歧路卽有數十處
宛轉相通路逕又極險峻瀑泉噴濺晴霽時亦多
泥湍適曰天氣早寒處處已凝冰凌登顛陡滑每
致人馬墜崖折傷跌斃必須下馬步行之處每日
總有十數里其石山林箐人跡不到之處謂之老
林賊匪善於奔走路逕又極熟悉一遇官兵勦急
攀緣逕上捷若猿猴頃刻翻山他竄惟隨營鄉勇
係生長山中之人尙可追趕貴州廣東兵丁素善
登山追賊亦甚趨健其餘兵丁實有未能追及之

勢計現分派各路兵丁共三千八百五十三名穆
騰額一路原帶兵九百四十九名富成原帶兵一
千五百餘名恒瑞觀祥二路原帶兵三千四百八
十四名臣等一路所帶滿漢兵一千九百二名除
守卡拏營各兵外戰兵計有一千餘名於路逕叢
穢之中勦此分合無定之賊惟在偵探明確多分
路數遇賊卽擊從前所謂合圍夾攻之事多非確
實臣等身親閱歷斷不敢一字稍涉虛假再前據
柯藩稟報川匪竄至漁溪河腦瞭風崖等處距江
岸不遠關係緊要臣恐該鎮兵力不敷難於抵禦

查近江地稍平衍馬隊可以得力已令副都統額爾亨額帶領

盛京兵一千名徑赴紫陽渡江會同柯藩勦辦謹奏

嘉慶四年十一月初五日軍機大臣字寄奉

上諭那彥成台布奏分路勦賊情形一摺覽奏俱悉已於摺內批示此次張漢潮餘匪分爲三股由西南折回東北經那彥成等分派鎮將趕緊逼勦其前兩股賊匪竄上秦嶺後股賊匪經綸布春奮力攻擊賊勢敗退追殺三十餘里殲斃一百餘名所辦俱好此時賊蹤欲由號

殊

川竄赴棧道恒瑞綸布春兩路官兵分投追殺而那彥
成台布亦卽趨赴留壩策應合力兜剿若能一鼓殲淨
固屬甚善倘賊被追緊急竄往川境那彥成係特派剿
賊之人應親督鎮將緊躡賊蹤赴川勦辦台布有守土
之責當在陝省邊界各要隘地方實力堵禦勿令賊匪
折回不必與那彥成同赴川境至所稱向來帶兵大員
各爲一路不相關照並不互爲援應所論切中從前軍
營積弊三年以來皆係如此以致賊匪乘隙竄逃官兵
日事奔馳不能遇賊今那彥成等相機指派令帶兵各
員彼此知會聲息相通所辦甚是卽所稱綸布春等奮

勇殺賊不似從前虛報功級之處自屬可信但閱所敘情節那彥成台布尙未遇賊接仗此次帶兵前赴五郎未免稍遲而於軍務籌辦情形又未及早馳奏自前月十四奏到籌辦張逆逃竄各摺迄今已隔兩旬方有此報朕屢念軍情昕夕懸盼那彥成寧不知之而何以遲遲若此耶鞠辦教匪之事已逾三載朕仰荷

皇考付託之重力加整飭明示恩威無如帶兵大員等積玩成疲日久尙未蒞事既不能於

皇考大事百日之內迅速奏功又不能於奉移

山陵之前殄平賊匪敬告

几筵明年正月朔日朕卽起程恭詣

裕陵於初三日致祭行週年禮彼時那彥成卽未能將賊
匪悉數蕩平亦必當於年內將大局辦定止剩一二零
星小股則剿賊之功已屆垂成庶可仰慰

皇考在天之靈否則朕有何顏展謁

疎
垂淚論此諒諸臣心非木石必能感動
山陵乎但此時距正月朔日僅有月餘爲時已迫朕因軍

務未竣寸心焦切寢食不遑各路帶兵大員等不能仰
體朕意上緊剿賊是以特令那彥成前往剿辦倘那彥
成尙不能剋期辦竣朕更當簡派何人豈有么膺草竊
必待朕親征之理乎

嘉慶四年十一月初五日軍機大臣字寄奉

上諭恒瑞奏張逆餘匪由五郎向西北奔竄恒瑞帶領官兵分路追剿雖斃賊一百餘名而餘匪仍由密林內四散奔逃尙未剿淨向來各路軍營惟知擒拏首逆並未將其夥黨悉數掃除以致散而復聚潛出滋擾今張逆餘匪紛紛肆竄恒瑞正當乘其潰散之時速行搜捕淨盡况據奏此股餘黨不過一二十人今又經官兵截殺自必更形窮蹙現在那彥成已抵五郎一帶有盛京兵一千吉林兵一千皆係生力勁旅聲勢壯盛務須會同熟商設法圍剿在陝境全行撲滅勿令再有竄逃至川

省竄匪已經王文雄逼過西鄉之東那彥成恒瑞惟當
將張逆餘匪先行勦淨再往西鄉會勦川匪倘辦竣張
逆餘匪後西鄉竄匪俱已逼回川境陝省城氛已遠那
彥成恒瑞卽當馳往川省與額勒登保會商應於何路
勦賊卽行帶兵奮擊務期於年內一律蕩事至那彥成
前此陛辭時曾經面奏若未與賊匪接仗其尋常布置
情形不復敷衍具奏但伊自前月十四日奏到籌辦張
逆竄匪各摺後迄今已幾及二旬未據續有奏報朕心
甚爲懸盼看來那彥成自尚未趕上賊匪接仗但現在
如何設法兜圍截勦及近日賊情究竟若何亦應將大

概情形具摺陳奏朕厯念軍務旰焦切那彥成寧不知之耶

深入老林

嘉慶四年十一月初十日軍機大臣字寄奉

上諭松筠從前仰蒙

皇考厚恩用爲軍機大臣在御前侍衛上行走嗣經派令駐藏數年未經換回仰窺

聖意未必非看其人近迂腐是以置之間地本年朕親政之始因素聞松筠爲人尙能持正而在廷諸臣亦多稱其可用卽降旨召還擢用陝甘總督晉加宮銜始而陳奏事件尙有可觀其後則有通弛私鹽私鑄等禁之奏所見實爲迂謬彼時朕不肯將其原奏宣示曾降旨密

硃

輕視松筠

加飭諭乃伊數月以來辦理一切事務殊多錯謬卽如慶成係革職拏問應行審訊尚未定罪之人松筠輒令帶領撒拉爾回兵前赴西鄉實爲專擅錯誤當經降旨申飭並令其酌量情形另派大員帶領況此項回兵如果果在陝剿賊尙爲奮勉卽不應遽行撤回乃旣已檄調於前一經奉到諭旨旋即撤回是西鄉一路無須回兵在彼堵截已可概見則從前又何必多此檄調乎且回兵素性驕悍見松筠之忽調忽撤全無定見倘因此心生疑畏或至別滋釁端更復成何事體又如恒瑞本在甘境專辦藍號賊匪經松筠令其回陝以致藍號賊匪

硃

順審

乘間他竄至今本日據額勒登保奏遊擊阿克東阿原
在甘省追剿楊開甲等股賊匪經松筠飭調帶兵回至
西鄉行抵界牌地方猝遇賊匪衝出阿克東阿力戰陣
亡此又係松筠冒昧檄調之過阿克東阿係在甘省剿
賊之員若果聽其一手經理則此時楊開甲等當已早
就撲滅乃松筠於剿賊喫緊之時又將該遊擊別行調
遣以楊開甲等股賊匪委之川省致令逃竄而阿克東
阿於中途遇賊陣亡是阿克東阿之死及楊開甲等之遭
孽至今未盡實皆松筠之咎其種種調度失宜實爲迂
濶而不中肯綮殊負委任本應將松筠革職治罪姑念

一時簡用乏人著先將太子少保及御前侍衛一併革退並拔去花翎用示薄懲仍留頂戴以觀後效並傳旨嚴行申飭若改悔奮勉自贖將來尚可邀恩倘尙不知愧勵或再有措置乖方之處則當從重治罪決不寬貸至那彥成係朕特派督兵剿賊之員前此帶兵赴五郎一帶已覺稍遲而於軍務籌辦情形又未及早馳奏相隔兩旬始據續有奏報尤爲延緩而所奏情節並未遇賊接仗轉將終南山嶺谿澗情形敷衍聲敘如所稱瀑布噴濺冰凌凝滑之語幾似爲彼處山水寫照而其意尤不免存畏難之見殊屬非是那彥成在京時卽有請

派黑龍江官兵之奏因已先行停調未允所調現在派調盛京兵二千吉林兵一千陸續到陝皆係生力勁旅那彥成正當乘其新到銳氣用以剿賊乃又以盛京兵一千撥給柯藩是新到勁兵復以分而見單焉能得力若吉林兵到後亦似此零星分撥則追剿賊匪又將以兵少爲辭復請添調豈不又蹈從前帶兵大員陋習耶那彥成著傳旨申飭此時張漢潮餘匪爲數無多何得任其輾轉奔逃迄未剿淨那彥成務須自知奮勵上緊追剿將張逆餘匪及陝境分竄之賊於年內一律肅清卽赴川省協剿倘再事耽延或至賊匪仍前奔竄稽誅

則惟那彥成是問

嘉慶四年十一月初十日

奏爲叩謝

天恩並詳陳一切情形上紓

宸衷事竊臣前於二十一日奉到密封

硃批奏摺一件又前因臣伯父阿迪斯

擢放將軍臣奏謝

天恩一摺遞發漢中復由松筠處寄到敬謹啟閱

訓勉策勵

天語周詳臣自顧何人渥荷

恩慈親信至於此極伏地感涕幾於不忍再閱惟有刻骨

銘心終身遵守伏念臣識淺年輕受

恩最重捫心清夜非分滋慚茲以軍旅重務

特命臣親辦此正臣勉効涓埃殫竭血誠之時若再辦理

遲緩不但辜負

聖主期許

深恩非臣素矢誠蓋之志抑且自墮家聲更非臣祖父賢

寡母撫育教養之意惟有將現在實情及應如何

辦理之處據實詳陳仰祈

聖鑒查終南山北面一帶東西橫亘八百餘里皆係老林

合抱大樹密無空隙叢樹之下遍生刺竹阻礙逼
窄鎗箭難施且山上地極高寒積雪凝冰處處陡
滑兼有偏巖絕壁路徑不通之處賊匪向來依山
奔竄一經官兵勦敗卽刻遁入以爲藏身之固勦
捕耽延實由於此然從前堵截不力每閱兩三月
始能遇賊打仗一次賊匪尙係暫時竄入爲疲我
兵力之計官兵一過得暇卽出仍山道路行走且
因張漢潮老病乘坐竹兜險峻之處亦難立時飛
越今該逆已殲賊中少一累重之人並不經由山
溝路徑遇有極陡處所攀援徑上行走更爲捷速

又見近日各路官兵遇賊卽擊畏懼不敢出山總

在老林內來往盤旋冀延殘喘目下山內地方自

五郎東至孝義鎮安經

臣

勸諭築堡團練野無餘

糧民有鬪志賊已不敢窺伺惟五郎迄西堡寨尙

未修築貧民傍山散處無地保聚且有攜帶糧食

入老林避難者今賊衆盤踞林中隨地掠取並未

斷絕口糧而兵勇等逐處窮追亦祇制其竄出之

路不能痛殲醜類

臣

五中焦灼憤

不可如此

不欲生因思賊

竄之地縱極艱險賊可至兵亦可至似此與賊相

持何日方能殲盡必須

臣

宜萬分斟酌

親身入林督率衆兵方

硃

硃

殊

不互相觀望昨已募壯健兵勇懸賞鼓勵令赴老

林山內務躡賊蹤並嚴飭各路將領舍騎步行分

觀至此甚不

殊

放心

投入林剿賊

臣

亦於漁洞子一帶輕減鍋帳等項

竟不忍看矣

從深林密箐中直趨秦嶺卽或道路僻遠糧運不

繼臣等及衆官兵均可尋覓包穀通融接濟如此

激勵督率與士卒誓同甘苦則兵氣感奮自不至

稽延時日臣係特蒙

知遇之人若稍畏難苟安卽蒙

曲賜矜全亦無顏上對

君父下對

廷臣縷縷愚誠自荷

聖明洞鑒以上各緣由臣不敢不據實奏

聞而難辦情形並未於將領兵丁前一字宣露致啟其畏難之心臣亦斷不肯因此一奏預留延緩地步再

軍營兵丁從征日久多有疲乏惟富成所帶兵丁一千五百餘名除凍餒患病外實止一千一百餘

名茲來臣軍營被褐無禪實爲可憫當卽親加撫

慰賞資並與台布商酌一面飛催軍裝一面於臣

等軍營勻給帳房衣履支發口糧衆官兵一經鼓勵感激涕零咸有更生之慶卽日告請入山進剿

言詞俱出至誠臣已令富成帶領荊州滿兵赴留壩江口防堵卽將此項兵丁交岱森保富蘭管帶看此奮勇真切情形疲兵亦可轉爲勁旅勦賊必能得力謹

奏奉

硃批不忍注目

嘉慶四年十一月初十日會同陝西巡撫台公布奏爲連日勦殺賊匪及親督官兵卽日深入老林進勦事竊臣等前派官兵分路進勦並賊匪西竄卽赴留壩策應各緣由曾經

奏明在案茲行至金水河地方探聞賊匪竄至大建溝

經恒瑞截勦折回在秦嶺老林中奔竄臣等當卽

由三河口向東北一帶前進督催各路兵勇探蹤

硃

追截遇賊卽擊總未與賊以暇嗣竄出大建溝之

好

賊經鄉勇首千總銜楊太和等在核桃壩乘夜進

攻殺賊十三名其板房子竄出之賊經富成於廂

溝追殺三十餘名擒獲二名楊太和復於磨子崖

與洋縣鎗手合擊斃賊三十五名擒三名是日都

司劉滿貴帶領鄉勇楊蘭杰雷清等又於松垭子

硃

殺賊三十三名擒賊四名綸布春於藥壩茨溝遇

殊

卷之二

九二

好二

殊

賊奮力進攻追殺二十餘里殺賊一百餘名擒獲三十餘名匪衆奔竄擦耳崖鄉勇楊太和楊正元等又在該處迎截殺死執白旗賊目一名賊匪六名副將多爾濟札普叅將游棟雲帶兵至麻坊子埡口賊匪自埡口擁出官兵趕下溪邊殺賊十餘名又趕上右手山梁殺賊二十餘名擒獲九名總兵長春侍衛愛星阿帶兵至韭菜坪賊匪望風奔潰長春等趕緊追擊殺賊十餘名奪獲白旗一面計旬日以來八次打仗殺賊地方皆近老林爲官

殊

可見從前奏報不實兵從未到過之地所殺賊匪悉係呈驗耳記並無

虛捏臣等自帶領明亮兵丁後整齊兵力仰藉

皇上恩威將領等頗知振奮不敢仍前怠玩卽卿勇探役

人等經

臣

等鼓勵路遇零星賊匪日有斬獲誠獻

軍營至於各路要隘如田峪黑水峪五郎江口火

地兩河口留壩江口華陽等處皆派兵勇堵截嚴

疎

密惟賊中現有冉學勝高遇春等爲首堅約死黨

固結不解總倚秦嶺一帶老林爲窟宅一見官兵

卽行避入每次打仗殺賊無多尙不能痛加殲戮

目擊情形萬分焦急現已減留馬隊嚴飭將領等

步行入林追勦務須兵隨賊到窮其所往不得稍

避艱險臣等亦卽親入老林督率進剿仍一面隨時設法解散黨與務期速行蕲事謹

奏

嘉慶四年十一月十九日軍機大臣字寄奉

上諭據那彥成等奏剿殺賊匪卽日深入老林追剿一摺那彥成等自前月二十一日以後至本月初間連日遇賊卽擊不予以暇於大建溝板房子等處督率兵勇跟蹤追截俱有斬獲而綸布春於藥壩茨溝遇賊奮剿殲斃一百餘名殺賊較多鄉勇楊太和殺賊奮勉所奏自係實在情形不似從前軍營虛報惡習據稱殺賊地方

皆係老林爲官兵從未到過之地可見從前帶兵大臣等奏報不實至現在張漢潮餘匪又有冉學勝高遇春等爲首堅約死黨以老林爲窟宅賊匪等自因張漢潮殲斃後勢窮力蹙度無生理是以糾夥竄入老林爲困獸猶鬪之計那彥成現飭將領步行入林追剿並親入老林督率追擊據陳一切情形有憤不欲生之語實爲過當現在竄匪不過張漢潮餘黨並非首犯固不值與之親身決戰卽係著名首逆如張漢潮亦不值爲此語那彥成係軍機大臣經朕派往督師豈僅責以衝鋒陷陣之事賊匪旣竄入老林卽當設法鼓勵兵勇或選派

能事將弁入山將賊匪轟出或放火焚燒俾賊不能逃
匿那彥成督率精銳官兵俟賊匪出林或用鎗礮或用
弓箭痛加勦殺方爲正辦不獨那彥成不應冒險深入
卽領兵大員如綸布春等亦不應令其輕涉險地今那
彥成旣親入老林則台布同係帶兵之人勢難落後自
必同時深入試思伊二人俱冒險輕追設有疎虞於大
局關係甚重卽如木蘭行圍逐虎亦必須設法將虎引
出密林方可鎗斃斷無徒步入林與虎爭角之理且老
林內路徑險窄卽一二巴圖魯親自搏戰亦不能得力
何況那彥成台布等均係文員卽涉險深入有何益乎

那彥成此奏誠匹夫之勇太不知輕重矣且據稱嚴飭將領俱舍騎步行分投入林盛京吉林勁旅馬上馳騁是其所長若不能乘馬焉能得力閱之甚不放心並據稱於深林密箐中直趨秦嶺卽糧運不繼均可尋覓包穀通融接濟似此情形竟不忍看矣那彥成固當奮勇勦賊然亦當萬分斟酌切不可過於憤激轉致胥無把握

嘉慶四年十一月十九日軍機大臣字寄奉

上諭川陝勦辦教匪前此帶兵大員等觀望遷延經朕大加整飭將勒保明亮永保慶成先後革職拏問現在川

陝督師大員如額勒登保帶兵最爲奮勇那彥成並欲
親入老林搜勦賊匪是各路軍營現已力矯疲玩積習
銳意殺賊不肯稍有落後至從前辦理軍需大員等浮
冒之處甚多惟恐軍務完竣無可開銷難以掩飾濫支
之罪今則福寧宜綿景安俱已先後罷斥治罪現在總
理軍務者如魁倫廣興松筠均係現經更換可信之人
諒無前項情事無所用其瞻顧而額勒登保那彥成等
俱係受恩深重之人自必思迅速藏功及早回京得膺
懋賞焉有樂於在外被冒霜雪不上緊勦辦之理惟是
賊匪經官兵痛勦後已十分畏懼勢力窮蹙近日賊遇

官兵不敢接仗輒行逃竄入山並聞該處民人互相屯守多有依山結寨將糧食悉行保護賊匪無從掠食不過竄處窮林爲苟延殘喘之計此正如困獸已入深林捕獸之人若冒險窮追轉恐猝不及備或有疎虞今賊匪既挺而走險自不若平曠之所官軍得以奮力勦殺而深林密箐中匪黨潛匿不時偵伺若官軍入山追躡轉易墮賊奸計朕思賊蹤所聚大率在陝之南川之北該處樹林綿密路逕叢襍若大員等止於境內追擊則賊匪路路可通難以攔截現在川省經畧額勒登保總統軍務陝省則係那彥成居首督師伊二人雖分兩地

實則同辦一事惟當無分畛域會商合勦於川陝兩面
將各股賊匪併力兜截一處協辦奮勦額勒登保不可
以那彥成係屬欽差專辦陝省軍務恐分其功惟知勦
辦川賊那彥成亦不可以額勒登保係屬經畧心存推
讓止辦陝賊不復籌及全局總須令川陝兩面官軍聲
勢聯絡彼此相通俾賊勢益蹙庶可收合力同心之效
將來大功完竣自必同沐酬庸之典也至各處民人團
集保聚最爲善策當飭令地方官曉諭居民以伊等各
顧其家悉力守護原不責以追勦賊匪惟賊來則互相
捍禦俾賊匪無從搶掠自可令其困斃其有與賊通信

及爲之接濟者則當查拏治罪如此明白宣諭衆志成
城可期事半功倍著額勒登保那彥成一同遵照妥籌
會辦現已節近長至卽年內不能全數辦竣能於兩三
月內將大股賊匪剿盡方爲不負委任如朕之指示或
有與軍營現在情形不甚符合或伊二人尙有礙難辦
理不敢明奏慮干嗔斥之處不妨據實會奏毋得稍有
隱匿

嘉慶四年十二月十三日軍機大臣字寄奉

上諭據松筠奏陝省賊匪自張漢潮就獲後不過零星夥
黨四處奔逃爲數無多有何伎倆且陝省旣新添兵勇

殊

一萬三千餘名

兼之舊有兵勇二三萬人

以之搜剿餘匪則現有之兵數倍於賊

有何難辦乃數月以來僅獲一老病無能之張漢潮而

餘匪至今未曾剿淨亦並未痛加殲戮卽云賊匪夥黨

尚有多人但輾轉奔逃已極疲乏而新添兵勇皆係生

力勁旅聲威壯盛何難一鼓成擒況川省額勒登保一

路並未添兵尚能屢次擒獲賊首並將分竄賊股以次

殲除

豈陝省擁此勁兵轉不能將此等敗散餘匪速行

搜剿

相提並論汝等亦知愧否

卽賊匪匿入深山老林那彥成亦當設法用計誘

之使出以便要擊截殺乃惟知入山追捕使盛京吉林

殊

各勁兵隨同伊等登山越嶺漸形疲頓弓馬鎗箭俱不

穿林渡澗

能施是竟舍其所長而用其所短以致生力精兵轉不若綠營之得力而松筠惟以兵勇增添有需餉項奏請撥給似此兵多賊少仍前遲延玩悞實不知伊等所辦何事豈有竭天下全力辦此一隅小醜之理乎現已有旨令額勒登保酌量川省軍情如有需兵力接濟即於那彥成處調撥盛京吉林兵一千今那彥成辦理軍務毫無展布徒使勁旅日久疲乏卽留彼亦不能得用且現在那彥成等所帶吉林官兵究在何處打仗總未奏及著將吉林兵一千徑行撥赴額勒登保處並卽令原帶之人帶領前往俾得及鋒而用看來那彥成松筠竟

自安無能無福承受朕恩今亦不復望其勦竣賊匪竟
可將兵撤回於要隘地方紮營防堵俟額勒登保將川
省竄匪肅清後再行移師赴陝勦辦陝省賊匪不知伊
等亦知自愧否耶倘那彥成等以此項勁兵必須留營
難以分撥著將留此兵力作何調用之處據實陳奏方
可准行若仍令隨同伊等穿林越箐萬一遇賊挫折朕
留都有用之兵豈肯付汝等無能之大員帶領耶

夾嶺之捷

嘉慶四年十一月二十八日會同西安將軍恒公
瑞陝西巡撫台公布

奏爲賊竄夾嶺勞峪等處連次截剿及派往紫陽官兵
打仗情形事竊前在安溝板子房子沙坪截剿賊
匪業經恭摺具

奏在案臣等公同商議賊匪忽分忽合總冀牽緩兵力
而臣等之兵亦應隨時分合相機剿辦當卽親率
大兵翻越秦嶺老林密探賊蹤就近布置茲據探
報賊匪由老林翻山竄往田峪千峪勞峪臣恒瑞

隨赴栗樹坪兩岔河一帶截其西面折竄之路札
克塔爾赴東河安溝一帶截其折竄西南之路綸
布春由秦領之南至萊子坪金雞嶺截其南竄之
路並令總兵長春協領富盛阿等至南關一帶抄
截叅將李天林都司劉滿貴自木子坪至澇峪迎
截副將多爾濟札普叅將游棟雲等自田峪干峪
追躡_臣等亦卽帶領護軍叅領富蘭叅將蕭福祿
等在北面抄截督率策應連日以來賊匪知處處
有兵不敢肆竄總兵長春等探知一股賊匪藏匿
高關峪夾嶺夜間潛師急擊賊卽望風奔潰追至

小千溝殺賊一百餘名該匪搶上山梁擲石抵拒官兵奮力趕上又殺賊三十餘名餘匪竄回澗峪內紙房地方適遇李天林劉滿貴等官兵截住殺斃八十餘名賊匪復竄至鳳凰山與千峪竄來之賊合夥同竄澗峪內兩廊地方該處山勢陡峻直下無路若由山徑前往路甚迂折隨令多爾濟札普游棟雲等馳出田峪繞進澗峪口兜擊守備薛國相鄉勇首萬彪率領兵勇追至山上於無路處所乘夜縋下賊匪正在造飯不虞兵勇猝至登時奔潰殺賊一百餘名擒獲最先滋事之賊目周正

忠一名小賊目汪永福一名餘賊六十二名賊匪
敗後欲向北面竄逸又見澗峪口有_臣等之兵情
形極爲慌亂向山險樹密之處紛紛竄匿我兵追
至始猶放鎗抗拒旋即拋棄鎗矛攀援陡礪而上
隨崖跌斃者甚多並殺死之賊復有二百餘名現
在各處要路分布官兵步步緊躡賊無食息之暇
各兵勇經_臣等親身鼓勵督率奮勇直上登山越
澗鞋襪多已穿敝卽間有糧運難至之時仍復感
發奮興並未稍形疲乏_臣等惟有親督將領兵勇
乘此銳氣奮力截殺以期迅速殲除至前派副都

統額爾亨額帶領

盛京兵一千名赴紫陽會同柯藩勦賊茲據馳報川匪
龍紹周唐大信熊客頭三股入陝意欲搶渡漢江
由望虎山竄至高灘河正在搭橋之際柯藩督率
兵勇將橋擊斷全行淹斃賊匪退至望虎山吶喊
放鎗抗拒額爾亨額將所帶兵丁分據左首山梁
及河底兩處鄉勇首胡貴帶領鄉勇繞至山頂壓
下與官兵奮力夾攻河底地稍平衍馬兵易於得
力鎗箭殺斃及滾山落河者六百餘名於賊屍內
認出南路僞元帥黃爾雄首逆熊客頭之子北路

僞元帥熊世洪及小賊目李二毛子等七名當割首級梟示又生擒賊匪三十一名放出難民二百餘名口敗殘餘匪由六道河竄回川境至首逆龍紹周身穿紅綢衣經鄉勇趙慶蘭趕往擒拏龍紹周情急滾山逃下趙慶蘭擲石擊中龍紹周跌落河內未知曾否淹斃臣等現在飛劄額爾亨額等確切查明呈報昨接倭什布咨會以辛聰等一股賊匪由竹谿闖入平利鎮坪地方令臣等派兵截勦臣等現在秦嶺之北距平利幾及千里賊蹤飄忽無常派兵前往已屬緩不濟急查平利原有慶

溥溫承惠帶領兵勇防堵數月以來賊至卽能擊退實屬奮勉出力已飛飭慶溥溫承惠嚴密截剿毋使復竄楚境且平利與紫陽接壤如紫陽竄匪不至折回卽令額爾亨額等就近酌分官兵前往援剿謹

奏

嘉慶四年十二月初四日軍機大臣字寄奉

上諭那彥成等奏賊竄夾嶺澇峪等處連次截剿一摺該處竄匪忽分忽合復由秦嶺老林翻山竄往澇峪一帶經那彥成分兵追躡先後殺賊三百餘名其龍紹周竄

至高灘河欲圖搶渡漢江亦經額爾亨額柯藩繞截夾
攻斃賊六百餘名並殲斃僞元帥黃爾雄等所辦尙好
所奏龍紹周滾山逃竄經鄉勇趙慶蘭擲石擊中跌落
河內與前此松筠奏報相同其辛聰等一股由竹谿關
入平利一帶那彥成因相距較遠已飭慶溥溫承惠嚴
密截剿如紫陽竄匪不至折回卽令額爾亨額等就近
分兵援剿所辦甚是所有兜擊賊匪之守備薛相國鄉
勇萬彪於山上無路處所乘夜縱下殺賊多名尙爲奮
勇薛相國著以應陞之缺陞用萬彪著給外委頂帶以
示鼓勵至兵勇等登山越澗鞋襪多已穿敝閱之殊增

憐憫前發去賞項六千兩正爲賞給此等出力兵丁之用昨又因陝省應辦善後事宜發去餉銀五十萬兩備用那彥成不可因餉項較寬卽不上緊勦辦致稽時日但亦不可過於著急冒險輕進總當於勇往之中加以持重督飭將領相機奮擊於一兩月內將各股竄匪速行勦淨辦定大局不可再有遲延方爲不負委任

高橋之捷

附逼勦老林竄匪
恭謝

天恩 疏請吉林官兵留陝

嘉慶四年十二月十三日會同西安將軍恒公瑞

陝西巡撫台公布

奏爲分路勦賊情形事

臣

等前在澇峪等處督兵勦

賊業經恭摺奏

聞在案賊匪自勦敗後向東折竄分爲兩大股一小股

臣

等隨督率將領分派要路追勦總兵長春協領富

盛阿等迎截小股賊匪於木碗岔地方該匪望風

奔潰僅殺賊四名擒賊五名正在追趕間探得江

河之高橋有大股賊匪竄過該鎮等冒雪進勦賊

已過河將橋拆斷河水深寬且多亂石催兵涉水
徑渡追殺賊匪七名擒賊十名鄉勇首張必達又
在蒿溝遇見分出大股賊匪截殺賊九名擒賊二
名江河之賊連夜竄至柳林溝經叅將李天林都
司劉滿貴追及殺斃七名隨上山趕賊冰凌溜滑
鄉勇首雷清失足墮崖跌損左臂賊卽翻山而遁
蒿溝之賊竄至大壩經副都統銜綸春布桑吉斯
塔爾帶兵截殺斃賊九名擒賊十二名兩大股旋
卽合夥折向西奔綸布春等復趕緊追至韭菜坪
殺賊三十二名擒獲十三名賊又分股向嶺南嶺

北西竄小股賊匪經鄉勇首李亨元等在架子溝
殺賊八名折回與嶺北之賊會合隨派副都統札
克塔爾總兵觀祥副將九十等趕往在灰峪林追
及殺賊八名擒賊十一名察看賊竄處所有直趨
西南之勢該處無兵堵截恐賊匪愈竄愈遠因令
將領等分兵追躡臣等親帶兵丁由滴水嶺雞冠
梁老林內捷徑連夜分投趕赴石塔子石板垭黃
柏院等處截住西面各股賊匪又復連夜竄回所
有東面官兵正可迎擊惟是賊蹤奔竄不出老林
密樹遮蔽十丈以外目力卽不能見林內樹木皆

係老松荆棘竹草厚寸許陽坡雖遇晴霽而樹中霧氣蒸濕淋漓衣上陰坡則天氣苦寒積雪至有數尺勢不能放火焚燒將賊轟出痛加勦殺故雖接仗至七八次之多而殲擒不過一百三十四名臣等目擊情形焦灼難以言狀再昨奉到二十五日批回奏摺

溫諭慰勞

曲賜優容茲復欽奉十九日

諭旨以臣那彥成係督師大員與台布俱不應冒險深入卽領兵大員如綸布春等亦不應輕涉險地

諄諄訓誠務令萬分斟酌臣那彥成且誦且泣感激難名
竊恩臣那彥成此次蒙

恩派來陝省督辦軍務原不責以衝鋒陷陣之事且素未經歷行陣親身殺賊自問實非所長然各處勦賊地方大山間阻數十里內聲息卽不相通今臣親身入林督率既可鼓勵官兵且得隨時相機調度並非輕身試險與賊決戰臣前奏未將必不得已情形詳敘以致上煩

聖慮撫衷尤切悚惶敢祈

聖主稍釋

厯懷庶臣心稍安得以熟籌妥辦早殄賊氛以仰副
訓勉成全至意謹

奏

嘉慶四年十二月十三日

奏竊臣欽奉

諭旨賊匪挺而走險自不若平曠處所官軍得以奮力勦
殺仰見

聖謨廣運指示周詳惟是賊匪在山深樹密之處竄走山
徑錯出宛轉相通且現在之賊名爲餘黨其實所
剩者盡皆真正邪教張漢潮主謀掌事賊目悉在

其中擒獲活賊訊問率多籍隸湖北爲最先起事
積匪多殺一名卽少一名真賊而賊情詭譎忽分
忽合總依傍老林並不經由路徑雖晝夜追勦仍
不能立即掃除臣本思驅至平川以便勦殺或竟
逼歸川匪一處與額勒登保併力兜截無如陝南
川北皆係層巖峻嶺綿亘無際卽老林之外亦絕
無平曠處所况秦嶺老林南北百餘里至二百里
不等距漢江南岸尙遠一時不能與川匪合夥臣
惟有就現有兵力分派截擊並遵

諭旨令滿洲及東三省官兵自爲一隊及鋒而用總期盡

鐵醜類迅速藏功不敢因

聖諭寬假其期稍存怠緩一俟勦捕淨盡卽行帶兵渡漢
將西鄉紫陽一帶川匪與額勒登保兩面合勦聲
勢聯絡更可一鼓蕩平臣仰膺

委任與額勒登保同辦軍務自當通籌全局以藏事爲急
斷不敢存分功之見區分畛域至人民團集保聚
之事最爲善策臣與台布前曾通飭地方官隨時
勸導獎勵民情極爲踴躍多有捐修堡寨者此時
東路如鎮安孝義等處守禦嚴密辦理已有成效
既可堵截賊匪稍助官軍聲勢並可因此查明無

籍流民於將來善後事宜亦不爲無裨至五郎煙
戶較少近亦團集鄉勇如五郎所屬之蒿溝腦八
里坪苦竹溝傅家河等處因在本地守禦四處其
陣亡鄉勇五十名鄉勇首劉武一名可爲認真守
禦之明驗所有陣亡鄉勇等俱已照例給予卹賞
昨又據孝義鄉勇李亨元等拏獲私至賊營通信
之文公廟道士張來勤一名解營審訊供認不諱
當將張來勤凌遲處死因查賊過地方並不殺害
僧道等得受賊匪布施銀兩代爲偵探如張來勤
之通賊者不一而足但未得確切証據不便遽行

誅戮遇有形跡可疑之人隨處盤詰拘留斷不使賊中奸細私通信息謹

奏

嘉慶四年十二月十九日軍機大臣字寄奉

上諭近因那彥成搜捕竄匪帶兵深入老林而兵力爲地險所限技無所施自應設法用計引賊使出以便要擊截殺正在降旨諭示適據那彥成等奏到各路勦賊情形據稱賊蹤奔竄不出老林密樹遮蔽十丈以外卽不能見又天氣苦寒積雪數尺勢不能放火焚燒將賊轟出那彥成等實爲辛苦萬狀不忍披覽但伊等惟知在

老林內跟蹤追躡雖艱阻備嘗兵力徒形疲乏而賊匪
仍出沒自如所辦總不得要領自趨拙路勞而無益卽
與賊接仗七八次而殲賊不過一百餘名亦祇係零星
搜捕並不能認真打仗痛加剿殺該處老林據稱東北
百餘里至二百里不等但究與何省及何府州縣毗連
路徑從何出入仍未詳悉奏明如果深林密箐綿延不
斷則那彥成帶兵深入之後糧運如何接濟且人皆步
行又如何安設營盤若官兵皆係露處亦非體統亦從
無此行軍之法倘官兵過於陟險或被賊匪潛匿深林
密箐之內突出攻撲必致受虧現據奏運送兵鞋之委

員王壬亦因尋赴軍營在老林中被賊戕害此卽其明
驗試思賊匪於兵鞋等項尙圖搶掠豈有遇見銀米轉
不劫奪之理設使糧餉在途或於林箐中被賊劫去豈
不徒資盜糧現在那彥成所統生力精兵全在用其所
長若以之登山陟嶺穿越林箐弓馬鎗箭俱不得施卽
使深入窮追而官兵方山此路前進賊匪由他路林箐
中偷越遁去又安能追殺淨盡况現獲各犯如高均德
等皆係著名首逆而訊以因何謀逆情由竟不知叛逆
爲何事祇以一時烏合志在搶掠及被官兵勦敗以挺
走爲逃死之計國家強兵勁旅以之勦辦此等無賴匪

徒設有損折更屬萬分不值且霧氣蒸濕氣候異常若
久駐深山官兵亦易致受病是深入老林窮追竄匪殊
屬拙計那彥成自當察看地勢多方籌畫將現兵撤
出另思別法用間出奇誘之使出以便乘機要擊或於
要隘處所嚴行堵截諒此深山老林未有地畝可種居
民稀少賊匪在內無從得食自必窮而思出官兵以逸
待勞方可制其死命此等機宜惟在那彥成相機妥辦
原不在輕身試險徒勞兵力也至那彥成所帶盛京吉
林兵丁皆係生力勁旅伊究竟作何派撥在何處打仗
殺賊總未據奏及前因那彥成帶領此項勁兵不善調

度用違其長已諭令將吉林一千卽赴額勒登保軍營俾得及鋒而用那彥成當遵旨辦理倘伊必欲此項勁兵留於軍營卽當將賊匪設法轟出用以殺賊不得仍前帶領穿山越箐徒致疲於登陟也且那彥成現在兵力不爲不厚焉有萬餘生力精兵合之鄉勇數萬僅在老林追逐曠日持久辦此一二千殘敗賊匪之理那彥成必當亟思圖改上緊相機勦辦務於明年二三月內奏績肅功斷不可惟事跟追致稽時日至所奏拏獲私至賊營通信之道士張來勤凌遲處死一節自應如此辦理賊匪經過地方向不殺害僧道焚掠廟宇僧道等

往往得受賊匪布施代爲偵探此事曾經明亮奏及那彥成務須留心查察遇有來歷不明之僧道必當盤詰拘留如帶兵駐劄隣近廟宇尤當嚴行防範勿令暗與賊匪私通信息

嘉慶四年十二月十九日會同西安將軍恒公瑞
陝西巡撫台公布

奏爲督兵剿賊情形事竊查節次截剿賊匪並親督官兵趕赴老林緣由前經恭摺具奏在案臣等於前次拜摺後卽日起身由魚洞子趨赴秦嶺老林沿途樹叢深密山勢險峻悉皆舍騎步行連日又值

陰雨處處積雪冰凌溜滑登陟爲艱賊匪見大兵
追及倏分三股仍牽綴官兵乘隙竄逃故智臣等
隨傳集將領督率鼓勵分投進剿令多爾濟札普
等由化山前進侍衛英桂等由熊掌溝前進綸布
春由黑肱腦清水河前進侍衛富蘭等赴柴家關
堵截叅將李天林等赴木子坪一帶堵截總兵長
春赴大坪堵截其東路江口八里坪一帶飛劄知
府朱勲帶領鄉勇堵截其竄至安溝一股賊匪經
多爾濟札普英桂等合擊賊匪蜂擁前來迎拒我
兵佔據山梁從上壓下衝入賊隊賊始敗逃兵勇

奮追殺賊一百三名生擒十五名奪獲刀矛烏鎗
三百十一件其竄至板房子一股賊匪經綸布春
分兵左右抄擊衝突良久賊匪不能抵禦四散潰
敗殺賊一百十八名生擒四十八名奪獲軍械等
件其竄至八里坪一股知柴家關大壯坪木子坪
有兵不敢竄出遂復竄往沙坪適遇朱勲所帶鄉
勇首沈德等在彼堵禦賊匪拚死衝撲帥勇等將
在前賊探擊斃奪旗三面賊稍退却旋率大夥賊
衆壓下往來衝突數次殺斃賊探頭目張進忠一
名帶旗高正國一名餘賊十餘名生擒六名奪獲

錦矛等件

臣

等又派令綸布春等及多爾濟札普

分路向西緊追並飛劄總兵觀祥由秦嶺西南迎

截

臣

恒瑞亦由老林帶兵來會晤面商並提訊活

賊戴興科據供緊要賊目冉學勝高遇春劉掌櫃

等俱向東竄

臣

等卽分帶官兵向東北進剿若將

緊要賊目殲擒自可迅速蒞事惟是賊竄處所雖

出老林祇可步行躡剿趕緊追及鎗礮又難施展

是以屢次擊賊均係刀矛接仗不能痛加殲戮一

鼓蕩平

臣

等焦急萬分匪言可喻

臣

那彥成在京

時日侍

禁廷親見

皇上屢念軍務

宵旰焦勞

臣

亦深恨軍營積玩成疲老師糜餉錮習茲蒙

委任惟思早慰

聖主盼捷殷懷豈肯絲毫怠緩自蹈覆轍昨奉到本月初

五日

諭旨荷蒙

訓勉諄切務期明年正月

聖駕恭詣

裕陵時遞到捷奏仰維

聖主繼承

前烈

純孝格

天自可如期歲事而

臣

等身當重任跪誦

聖訓至此慚惶涕泣無地自容

臣

等均係受

恩深重之人

臣

那彥成仰邀

恩慈逾格尤非尋常可比八月內奉

命出都欽奉

面諭以

臣

不能恭襄

山陵典禮俟事竣回京之後

遣令祇謁

裕陵稍申哀戀

臣

那彥成銘心刻骨俄頃不忘惟有矢此

盡誠竭力籌勦果能早平賊匪一時刻庶犬馬
圖報之志少安斷不敢泯滅天良自貽重戾卽以
臣烏私而論亦不忍遷延獲咎致貽寡母之憂區
區愚昧下忱惟有仰祈

恩慈鑒察再官兵自入老林勦賊以來督率鼓勵人人思
奮而綸布春帶兵深入不避艱險臣等見其奮勇
前進殺賊獨爲超衆出力謹

奏

嘉慶四年十二月二十四日軍機大臣字寄奉

上諭據那彥成奏督兵剿賊情形一摺此次那彥成等分撥將領在秦嶺一帶將奔竄賊匪趕緊剿殺殲賊二百餘名生擒六十餘名所辦皆好惟賊匪因大兵追擊皆向老林竄匿樹密山深致官兵鎗箭難以施放其狡黠情形實爲可恨閱摺內所奏該處山勢險峻又復冰凌溜滑帶兵各員皆舍騎步行可謂辛苦備經那彥成係朕特派帶兵之人自不肯絲毫怠緩朕素深信軍旅重寄必當慎重辦理斷不可急欲見功轉致草率現在賊匪依險窮奔不過苟延殘喘那彥成惟當設法相機剿

辦不應冒險輕進况九月內朕自

裕陵回京後各路軍營陸續拏獲包正洪高均德符日明
蠟斃張漢潮各首逆明春祇謁

裕陵亦可上告

皇考在天之靈本日在

壇齋宿明辰恭過

皇考升配適接那彥成奏報披閱之餘幾於不忍覽竟那
彥成惟當仰體朕懷遵照前降諭旨將各股竄匪剿捕
淨盡再赴川省協剿卽稍遲兩三月亦無不可總辦竣
一股卽將此股餘黨蠟盡方爲不負委任轉不必過於

促迫失之急遽也至所奏綸春布帶兵勦賊不避艱險
前因綸春布打仗出力已降旨挑在乾清門行走今據
那彥成奏伊奮勇超衆情形尤爲可嘉著那彥成將保
奏綸春布之處向伊告知以伊打仗認真出力業經具
奏朕心極爲嘉許嗣後如有勞績必當更邀恩獎伊
自益加感奮也

嘉慶四年十二月二十四日軍機大臣字寄奉

上諭據松筠奏陝省各路堵剿情形覽奏殊爲厭念那彥
成係朕特派辦理陝省賊匪伊至軍營卽以前次帶兵
各員於賊匪竄入老林後不復窮追那彥成力矯其弊

親自督兵深入老林以此爲盡心剿賊其實自趨拙路
又總兵索費英阿吉蘭泰二人本在甘境防賊前經那
彥成調令防守北棧甘境守禦未免空虛其張漢潮股
內餘匪由老林向東竄逸那彥成帶領多兵爲所牽綴
以致川境之賊探知陝省重兵全在老林又聞甘境防
守兵單或竟彼此勾結商議引誘那彥成之兵向東並
乘甘省無備糾衆西竄俾官兵猝難兼顧而老林內賊
匪又可乘間奔逸此皆那彥成調度失宜所致行軍貴
知彼知己那彥成何見不及此耶現在那彥成同恒瑞
台布由盤屋鄂縣洋縣躡蹤追剿並經那彥成飭令防

守棧道之總兵索費英阿吉蘭泰帶兵赴徽縣畧陽一帶防堵伊二人本在甘省防賊似此往來檄調成何事體現在那彥成等所辦止係張漢潮餘黨內之一股那彥成一路帶領多兵不值以全力勦此敗竄之賊此時川省賊匪竄近甘省那彥成所帶吉林官兵如尚未撥往川省卽當同恒瑞札克塔爾率領此項勁兵並酌量添帶兵力速赴徽縣一帶堵勦竄匪勿令深入甘境至張漢潮餘黨專交台布同岱森保帶兵追勦台布係本省巡撫卽責令在陝境將此股賊匪勦盡那彥成務將甘境之賊上緊截回跟蹤奮勦若賊匪仍回川省那彥

成亦卽帶兵赴川協力勦辦總之在川在陝同一勦賊
惟當無分畛域方可期迅速藏功現在甘境本未設有
糧臺若令賊匪久在該處或更擾及未經被賊之區辦
理更爲費手倘賊折回陝境該省兵餉足資辦理然總
不若將賊匪逼回川省并力合擊較爲得手也那彥成
前此旣調度不善此次務當倍加奮勵上緊截勦不可
稍有紆緩若賊匪折回川境那彥成更不可因賊已離
陝遂置不顧必當步步緊追不予以暇卽台布等勦辦
張漢潮餘匪亦當緊躡賊蹤悉力勦辦勿令殘敗之賊
稍留餘孽至那彥成與額勒登保均膺勦賊之寄總宜

同心協力勉副委任那彥成諒不肯因係阿桂之孫存
不爲人下之見也

嘉慶四年十二月十一日會同西安將軍恒公瑞
陝西巡撫台公布

奏爲通飭賊匪出林官兵追截情形事竊照賊匪分股
向西奔竄經官兵截住復向東趨總在老林中行
走一經迎擊旋即折回且賊因東路卡寨較多往
來奔竄不出五則洋縣盩厔所屬地方臣等公同
商酌必須將賊匪逼出老林兵力方能施展隨派
副都統札克塔爾總兵觀祥等自小王澗至龍草

坪復派副將多爾濟札普叅將游棟雲等自板溝至麻房營俱從嶺北逼勦副都統綸布春桑吉斯塔爾等分路在嶺南逼勦臣等帶領總兵凝德叅將肅福祿等分布兵勇在賊匪西面以杜折竄之路多爾濟札普在板房溝遇賊自山梁壓下殺賊四名生擒十三名滾崖跌斃者甚多賊匪由獅子壩東竄其餘各股賊匪官兵逼勦緊急陸續竄出老林大股賊匪冉學勝奔據陡成巖上綸布春桑吉斯塔爾等帶兵仰攻三次該匪滾石抗拒我兵復奮力上撲將陡成巖奪據殺賊二十三名生擒

七名上仁河鄉勇在獅子口復殺賊十二名賊匪
分數股向東南洋山一帶奔竄該處鄉勇素稱勇
健_臣等前經飭令嚴防賊知有備遂竄向東北一
帶復經米糧川秋糧川鄉勇截殺八九十名容_臣
等查明出力鄉勇另加鼓勵查東北一帶已至山
陽所屬地方賊匪自出老林後翻山狂奔每日夜
必行一百四五十里各路官兵趕緊窮追_臣等亦
分中路北路督率追剿山陽山勢畧開馬隊自能
得力而東路各寨鄉勇義切同仇亦皆認真剿賊
仰藉

天威或可迅速撲滅惟山陽迤東商雒一帶可通豫境賊匪奔竄甚捷必須前途堵截除一面分兵覓道兜截外仍一面飛咨吳熊光飭令堵禦邊界以昭嚴密謹

奏

嘉慶四年十二月二十九日軍機大臣字寄奉

上諭那彥成奏逼勦賊匪出林官兵追截情形一摺張逆餘匪竄入老林往來奔突那彥成等入林搜捕爲日已久並未能大加勦殺所辦總不得要領節經降旨諭示今那彥成等以此股賊匪必須逼出老林兵力方能施

展乃賊已竄出老林而官兵分投截擊祇殺賊二三十名擒賊七名賊匪又向東南一帶翻出狂奔仍未能扼要堵截躡蹤痛剿所謂施展者安在看來賊匪竄匿老林後雖據那彥成等節次奏稱帶兵入林搜捕亦不過在老林中耽延時日並未跟蹤追剿卽此次賊匪竄出那彥成等亦未必先有知覺因見賊匪業已翻山逸去卽以逼出老林爲辭試思此股竄匿餘匪如果能設法堵截則賊匪竄出時正可乘機擊剿今乃任其入林出林竄至山陽商雒一帶又可潛遁豫境且現據倭什布奏稱張逆餘匪復有一股由鎮安等處繞至洵陽鄖西

交界勢將闖入楚境是那彥成等不但不能及早搜捕
並將賊匪肅逸俾得竄至楚豫邊界所辦何事那彥成
等俱著傳旨嚴行申飭前因川省賊匪竄入陝境有前
往甘肅之勢曾諭令那彥成同恒瑞等帶兵前赴徽縣
一帶堵剿今看此情形那彥成一路距甘尚遠而老林
竄出餘匪正當趕緊剿辦那彥成不必拘泥前旨卽赴
徽縣搶近就遠轉致此股窮竄之賊剿捕不能得力兩
相耽誤總在那彥成等審度賊情及道里遠近酌量辦
理剿賊機宜移步換形朕亦不爲遙制也

嘉慶四年十二月二十九日軍機大臣字寄奉

上諭各路軍營勦辦教匪先後已及四年自嘉慶三年以前帶兵諸臣遷延貽悞姑不具論本年朕親政後迄今又閱一載而各路勦賊之事平心而論不過勦除十分之四五其餘各股竄匪仍在輾轉奔逃辦理迄無把握此等教匪不過烏合亂民各路帶兵大員俱係受恩深重所帶各項官兵不爲不多糜費帑項亦不可勝計並因從前軍營大員彼此觀望惟以諛詞掩飾日久無功如勒保明亮永保等俱經拏問解京並另授經畧特派大臣前往督辦伊等節次奏到籌辦事宜自不敢仍前欺飾尙屬可信但事閱一年仍無起色伊等或有實在

難辦之處前曾降旨詢問未據覆奏朕既不能深知其故卽軍機大臣等亦無從悉其實在情形似此日復一日賊匪何時得平軍務何時告蒧勦捕一事日久未得要領其中必有受病根由自應據實陳明方可設法籌辦譬如良醫治病亦須望聞問切洞悉病源始能對症施藥若不將病症先行問明卽良醫亦爲束手倘藥不對症非徒不能愈疾而且耽延時日受病益深此時軍務情形實類於此特此再行通諭額勒登保等務須將伊等勦捕賊匪有何實在爲難及伊等在君上之前不敢陳奏者亦不妨直陳無隱不可稍有含糊候朕酌量

機宜隨時指示倘經此番諄切詢問而伊等仍不和盤托出遷延時日愈辦愈拙則是自取重譴斷不能再爲曲貸矣試思各路軍營以如許兵力帑項勦此內地亂民何至一籌莫展且額勒登保係朕因勦保辦理不善特授經畧今仍未見調度得宜而那彥成又係特經派往督辦大臣到陝後並未能殺賊奏功惟以深入老林爲詞實則未能躡蹤追勦所辦與明亮等又有何異似此更換之帶兵大員豈不爲明亮等所笑並竊議朕之用人不當乎是以明亮等現在解到朕尚未令廷臣詰訊設伊等以現在更換之經畧大臣等亦並未能勦辦

賊匪諉卸其罪將何以折服其心耶此時統兵大臣亦無可另行簡派之人焉有此等么麼小醜尙待朕親征之理額勒登保那彥成等惟當知愧知奮上緊勦辦務於三月以前悉數辦竣方可保全若仍事玩延則是伊等竟甘蹈勒保等覆轍雖國家用人之道斷無甫經逮問旋加任用之理但額勒登保那彥成等若竟全不足恃又不將難辦實情詳悉具奏朕亦無可如何祇得將明亮勒保等釋放復令前赴軍營辦理軍務將額勒登保那彥成等解京治罪爲此不得已之舉矣

嘉慶五年正月初三日軍機大臣字寄奉

上諭前因陝匪距甘省徽縣一帶甚近松筠帶兵較單會
諭令德楞泰前往協剿今額勒登保親自督兵赴陝剿
辦賊匪自必聞風震懾可期迅速殲除或仍逼回川省
亦易於剿辦惟吉林馬隊官兵現俱在那彥成一路那
彥成所辦祇係張漢潮餘黨爲數無多伊所帶各處生
力勁兵已有萬餘兵力不爲不厚乃日久尙未能將此
股餘匪剿淨且吉林勁兵騎射是其所長那彥成只令
在老林追捕並未聞與賊接仗是此項勁旅長技皆無
可施留彼亦屬無益那彥成卽遵前旨派令吉林兵一
千名迅赴額勒登保處以資剿辦那彥成當就現有兵

力將所勦餘匪迅速殲除卽赴額勒登保處會勦竄近
甘境之賊匪不可再有延緩至額勒登保督兵至陝現
又將那彥成所帶吉林兵調往一切糧餉供支關係緊
要松筠務宜妥爲經理俾軍需無缺兵行迅速此爲最
要至額勒登保未到之前松筠如何督兵截剿會否將
賊匪逼回川境那彥成一路勦賊情形若何並著迅速
具奏

嘉慶五年正月初四日

奏臣欽奉

諭旨令將吉林兵丁撥赴川省勦賊伏查敵匪往來奔竄

原無伎倆惟因山險林深路徑叢襍恃其捷足延喘偷生臣自到軍營以來屢次截殺尙不能全數殲盡懷慚負疚夙夜難安至陝省勦賊官兵除南岸防堵外漢江以北軍營及要隘防堵合計舊存兵丁及新添

盛京吉林之兵實有一萬四千餘名應領口食之鄉勇多係防守漢江兩岸及西鄉平利等處其隨在軍營勦賊鄉勇爲數亦屬無多且現在臣與各路分投追勦臣大營馬步兵止一千三百餘名所有吉林官兵現係臣與恒瑞綸布春等帶領勦賊節次

在板房子陡成巖等處打仗最爲出力且伊等習
於勤苦最耐寒冷平日善於打牲亦能登山陟險
故在老林冰雪中行走並未稍形疲乏卽賊匪狡
詐設伏亦能留心偵探先事預防現在逼勦賊匪
出林東路山勢稍開弓馬更能施展此項勁兵實
爲得用仍懇

餘
聖恩准

留吉林兵丁

在陝但須西截方張之賊不惟東

追發喘之賊

羌州知州馮裕定稟報有賊匪三股每股八九百

名由胡家壩竄至寬川旋即西竄南沙河又據畧
陽縣知縣崔五峯稟報賊匪由南沙河竄至陽平

關在嘉陵江東岸由該處東竄卽通寧沔棧道東北可入畧陽逼近甘境過嘉陵江而西亦可通甘肅及川西一帶所關甚重臣等前已照松筠來札飭令防守棧道之總兵索費英阿吉蘭泰馳赴畧陽並知會松筠應令在畧陽一帶防堵計此時已抵該處正當川匪竄來之路臣等頃又飛飭該鎮等嚴行截剿毋任賊匪闖入又接准松筠來札因西鄉竄匪滋擾王文雄現在患病惟恐照料難周商調總兵長春前往帶領臣等已飭令該鎮迅速前往謹

奏

嘉慶五年正月初五日

奏爲欽奉

諭旨敬陳愧懼微忱事十二月十三日

諭旨以臣剿賊無能尙未殲淨賊衆

恩加訓諭並

命將吉林兵丁徑行撥赴川省如須留營仍准據實陳奏

硃

欽此

臣

跪誦之下愧懼戰慄無地自容竊查敎匪

汝等亦然

往來奔竄原無伎倆惟因山險林深路徑叢襍恃

其捷足延喘偷生

臣

自到軍營以來屢次截殺尙

不能全數殲淨臣識淺年輕毫無閱歷軍旅之事

尤未諳習懷慚負疚寤寐難安臣仰蒙

委任深恩不敢不竭盡心力勉圖報稱而限於才質籌辦未協兵機不能迅速戡事自問實屬無能之至仰

蒙

訓諭實切慚惶惟有欽遵

指示設法籌勦以期勉副

聖主愛養成全之意謹

奏

謹按嘉慶五年正月初十日廷寄內奉

上諭那彥成奏請留吉林兵丁在陝勦辦一節現在額勒
登保已至陝省沔縣令那彥成前往會勦此項吉林兵
丁或歸額勒登保統領或額勒登保與那彥成分帶伊
二人酌量妥辦至據稱接到松筠來札飭令總兵長春
前往西鄉防堵一節西鄉一帶竄匪滋擾王文雄又值
患病而沔縣畧陽竄匪復又緊急那彥成早當親赴該
處督勦何以僅飭長春前往耶

那文毅公總辦陝西軍務奏議卷二